

Diehtun persondieđuid meannudeami birra sutnje gii giddagassii lea biddjon

Persondieđuidláhka [cuoŋománu 14. beaivvi 2000 láhka nr. 31] gáibida ahte sii geat čohkkejit dieđuid registreremii / meannudeapmái galget dieđihit dan birra.

Ráŋggáštusa / háldogiddagasa čadaheami oktavuodas viežžá kriminálafuolahus persondieđuid su birra gii lea giddagasas.

Ulbmil dákkár dieđuid čohkkemiin lea lámčit dili oadjebas ráŋggáštusčadaheapmái, mii sihkkarastá fáŋgii dohkálaš dili, gč. ráŋggáštusčadahanlága § 2. Dieđut geavahuvvojit earet eará guđege várálašvuoda árvvoštallamii ja maiddái eará sihkarvuodadiliid árvvoštallamii. Persondieđut geavahuvvojit maid dasa ahte lámčit dili ráŋggáštusa čadaheapmái, ovdamearkkadihte go galget árvvoštallat ohcamušaid gos fáŋggat ohcet permišuvnna ja luovosinbeassama ja nu ain.

Lassin dieđuide maid fáŋga ieš addá, bivdá kriminálafuolahus dábálaččat maid diekkár persondieđuid politiijain/áššáskuhtineiseválddiin, álbmotregistaris, NAV:s, dearvvašvuodafága ovttadagain ja dikšun- ja fuolahusinstitušuvnnain. Vejolaš dieđut ovdalaš ráŋggáštemiid birra sáhttet maid geavahuvvot. Muhtun áššiin vižžojuvvojit dieđut mánáidsuojalusas, olgoriteiseválddiin ja ambassádain dahje sullasaš ásahusain, main leat dakkár persondieđut fáŋgga birra maid kriminálafuolahus dárbbáša iežas barggus.

Dieđut registrerejuvvojit kriminálafuolahusa arkiivasystemii.

Jus lea ulbmil dan dahkat, de sáhtta hálddašanlága 3. kapihttala mielde addit persondieđuid viidáseappot eará hálddašanorgánaide nugo politiijai, NAV:ii ja dearvvašvuodaetáhtaide dahje eará diekkár ásahusaide. Persondieđuid sáhtta maid addit viidáseappot earáide jus ráŋggáštussii dubmejuvvon olmmoš miehtá dasa.

Persondieđuidláhka gáibida meannudanovddasvástideaddji sihkkut registrerejuvvon persondieđuid, go ii leat šat ulbmil daid vurkkodit, nu ahte čuovvu arkiivalága.

Olbmos gii lea biddjon giddagassii lea riekti beassat geahččat dieđuid maid su birra leat čohkken, daid gáržžidemiiguin maid persondieđuidlága § 23 namuha.

Olbmos gii lea biddjon giddagassii lea riekti gáibidit divvut persondieđuid mat leat boastut, váilevaččat dahje maid ii leat lohpi meannudit, gč. persondieđuidlága § 27. Vejolaš geahččangáibádus ovddiduvvo giddagasjođiheaddjái.